

**ZAKON
O CARINSKOJ POLITICI
BOSNE I HERCEGOVINE**

("Službeni glasnik Bosne i Hercegovine", broj 57/04, 51/06 i 76/06)

IZVOD

Zakonom o carinskoj politici Bosne i Hercegovine regulisani su osnovni elementi sistema za carinsku zaštitu privrede Bosne i Hercegovine, prava i obaveze svih subjekata u postupcima carinjenja robe i putnika, regulisano je carinsko područje, carinska linija, carinski granični pojas, carinski nadzor, postupak carinjenja robe i drugih instituta koji reguliraju sistem carinske zaštite.

U općim odredbama regulisan je djelokrug i osnovne definicije, administrativna pomoć za sprečavanje, istraživanje i suzbijanje carinskih prekršaja, različite opće odredbe koje se posebno odnose na prava i obaveze lica u vezi sa carinskim propisima.

Ovaj zakon provodi Uprava za indirektno oporezivanje, a nadzor koja je odgovorna Vijeću ministara BiH preko svog Upravnog odbora.

Određene odredbe carinskih propisa mogu da se primjenjuju i van carinskog područja BiH na osnovu propisa kojima se reguliraju te oblasti ili na osnovu međunarodnih konvencija.

Carinski propisi primjenjuju se jedinstveno na području BiH.

U čl. 5. Zakona izričito je navedeno da će od svakog lica koje izjavi da postupa u ime ili za račun drugog lica carinski organi zahtjevat da predoči dokaze o svojim ovlaštenjima da postupa kao zastupnik.

Carinske stope su jednake na cijeloj teritoriji BiH. Uvozne dažbine se plaćaju za svu robu koja se stavlja u slobodni promet u carinsko područje BiH, po stopama predviđenim u Zakonu o carinskoj tarifi BiH. Roba izvezena iz BiH može se vratiti u BiH u roku tri godine bez plaća nja uvoznih dažbina, (za raziku od rajjih propisa po kojima je taj rok iznosio 12 mjeseci) Prihodi od carina su prihodi Budeta BiH, Entiteta i Brčko distrikta.

Oprema stavljena u slobodni promet, a koja predstavlja ulog strane osobe, osim putničkih motornih vozila, automata za zabavu i igru na sreću oslobađa se od plaćanja carine.

Roba stavljena u slobodni promet za vojne i policijske snage u entitetima i kazneno-popravne ustanove u entitetima, a koja je potpuno finansirana od strane donatora, oslobađa se od plaćanja carine.

Oslobađa se plaćanje carine roba stavljena u slobodni promet za projekte obnove i rekonstruiranja BiH, ako je projekat:

-usvojen od strane Vijeća ministara BiH;

-u cjelosti finansiran od strane donatora ili finansiran od strane međunarodnih razvojnih banaka.

Proizvodi i robe navedene u prilogu ovog Zakona.

Vijeće ministara propisuje bliže odredbe o postupku za izdavanje odluka kojom se odobrava oslobađanje od plaćanja uvozne dažbine iz stava 1., 2., 3., i 4. člana 176.

U prilogu ovog Zakona , u skladu sa članom 176. propisuju se oni slučajevi u kojima se, pod posebnim uslovima, oslobađanje od plaćanja dažbine odobrava pojedinačno kada se roba stavlja u slobodan promet u BiH.

Od plaćanja dažbine, u smislu ovog aneksa, oslobađa se sljedeća roba; roba sadržana u ličnom prtljagu putnika uz količinska ograničenja, lična imovina fizičkih lica koja svoje mjesto boravka premještaju iz strane zemlje u BiH, lična imovina stečena nasljedstvom, predmeti domaćinstva za opremanje sekundarnog boravišta, sredstva za proizvodnju i druga oprema uvezena u svrhu prenosa poslova iz treće zemlje u BiH (sa ograničenjima da su navedena sredstva korišćena u preduzeću najmanje 12 mjeseci od dana kada je to preduzeće prestalo poslovati u stranoj zemlji iz koje je prenijelo svoje djelatnosti, koje se namjerava koristiti u iste svrhe nakon prijenosa i koje odgovara karakteru i obimu predmetnog preduzeća), proizvodi koje poljoprivrednici iz BiH dobiju na posjedima smještenim u stranoj zemlji, sjemena, đubriva i proizvodi za obradu zemljišta koje uvoze poljoprivrednici u stranim zemljama za korištenje na posjedimakoja graniče a tim zemljama.

Od plaćanja carine oslobođeni su i žrtve nesreća, roba za dobrotvorne ili humanitarne organizacije, roba namijenjena za potrebe slijepih osoba, roba namijenjena za potrebe drugih hendikepiranih osoba, putnički automobili koje uvoze invalidne osobe, predmeti neznatne vrijednosti koji se povremeno primaju u pismima i poštanskim paketima, razni dokumenti i predmeti, roba koja se uvozi u trgovačko-promotivne svrhe, proizvodi koji se koriste ili konzumiraju na trgovačkim sajmovima ili sličnim manifestacijama, pošiljke koje se šalju organizacijama i koje štite autorska prava ili prava industrijskog i komercijalnog patenta, roba koja se uvozi u svrhu pretraga analize ili testiranja, počasna odličja, nagrade i darovi, obrazovni, naučni i kulturološki materijali, naučni instrumenti i aparati, laboratorijske životinje i biološke i hemijske materije namijenjene za istraživanje, terapijske supstance ljudskog porijekla i reagensi za određivanje krvnih grupa i tipova tkiva, farmaceutski proizvodi koji se koriste na međunarodnim sportskim manifestacijama, lijekovi za ličnu upotrebu, roba koja se uvozi povodom vjenčanja, kovčezi sa tijelima i urne sa pepelom preminulih osoba i ukrasni predmeti koji ih prate.

U skladu sa međunarodnim konvencijama i ugovorima mogu se davati carinske olakšice/

Provođenje Zakona o carinskoj politici BiH vrši Uprava za indirektno oporezivanje koja je odgovorna Vijeću ministara BiH preko svog Upravnog odbora.

Izmjene i dopune ovog zakona objavljene su 25. septembra 2006 godine, a stupio je na snagu 03. oktobra 2006. godine.